


Casharka 1	Hagaha Kaqaybqaataha Caafimaadka iyo Badqabka I - Daryeelka Carruurta ee Qoyska
Qoraaga Manhajka 2016: Barb Wagner; Dib u eegid lagu sameeyay 2023	2 Saacadood

Xuquuqda lahaanshaha iyo Xadidnaanta Isticmaalka iyo Mas'uuliyadaha ka dhalanaya

Manhajkaan waxaa lagu diyaariyay maalgalin ay bixisay Waaxda Adeegyada Aadanaha ee Minnesota. Waaxda Adeegyada Aadanaha ee Minnesota wax wakiil ah kama ahan wax mas'uuliyad ahna kama saarna isticmaalkiisa ama natiijadiisa. Manhajkaan dib looma soo saari karo, lama koobin karo, lama iibin karo ama si kale looma qaybin karo ayada oo aan oggolaansho qoraal ah laga haysan Waaxda Adeegyada Aadanaha ee Minnesota.

Si aad u codsato oggolaansho qoraal ah oo ku saabsan isticmaalka ama dib usoo saarista qayb kamid ah manhajkaan, iimayl u dir DHS.Child.Care@state.mn.us.

Si aad u hesho tixraacyada tababarka dheeraadka ah, khayraadka, buugaagta iyo waxyaabo kale, [booqo bogga khayraadka koorsada oo lifaaqiisu halkaan ku jiro](#) ama aad ka helayso koodhka QR ee dhanka midig!



Dulmarka guud ee Koorsada

Aaga Tasmada Qaabdhismeedka Aqoonta iyo Kartida (KCF) iyo Meelaha ay ka kooban tahay CDA

Nuxurka Hanaanka Aqoonta iyo Howlkarnimada Iyo Qaybaha Nuxurka CDA halkaan ayay ku qoranyihiin si ay ka qaybqaateyaasha uga caawiyaan fahamka nuxurka waxyaabaha looga hadlaayo tababarkaan.

- [Qaybta Nuxurka KCF](#): VII: Caafimaadka, badqabka, iyo nafaqada (Heerka 1)
- Qaybta Nuxurka CDA: Qorsheynta deegaan waxbarasho oo badbaado iyo caafimaad qaba.

Ujeedooyinka Waxbarashada:

Ayada oo tababarka kaliya uusan xaqiijinayn ujeedooyinka waxbarashada, hadana waxaa loo qaabayn karaa in lagu gaaro yoolal gaar ah oo loogu tala galay arday walba. Haddii ardaydu noqdaan kuwo wadashaqayn iyo ka qaybqaadasho leh, waxay baran doonaan:

- Sharax qaababka lagu yareynaayo faafitaanka cudurada faafa, oo ay ku jiraan badqabka cuntada, Taxaddarada Caadiga ah, nadaafada/adeegsashada daawada nadaafada/jeermiska, dhaqida gacmaha, badelida xafaayada/gelida musqusha, hubinada caafimaadka maalinlaha ah, iyo cudurada qofka looga reebaayo.
- Sharax xeerarka shatiga ee la xiriira ka hortagga/wax ka qabashada xasaasiyada, maareynta daawooyinka, saaritaanka iyo ka warbixinta cudurada faafa, maareynta/tuurista dheecaanada jirka ka yimaada, iyo warbixinta waajibka ah.
- Aqoonsashada noocyada xadgudubyada lagula kako ilmaha iyo calaamadaha iyo astaamaha muujiya

Ujeedada Kulanka:

- A. Horudhaca
- B. Xeerarka iyo Qawaaniinta (Xeerarka Mn 2: Cutubka 9502 iyo Dhaqamada Ugu Fiican)
- C. Siinta Daawooyinka, Xasaasiyaadka, iyo Badqabka Cuntada
 - a. Daawo Bixinta
 - b. Neefta, xasaasiyadaha, iyo Qorsheyaasha Daryeelka Shaqsiga ah/Xasaasiyada
 - c. Cudurada Cuntada Laga Qaado
- D. Yareynta Faafitaanka Cudurka Faafa
 - a. Cudurada Caabuqa Badan, Ka saaridda iyo Soo Sheegista
 - b. Farxalka iyo Xafaayad ka Badelidda
 - c. Nadiifinta, Tirtirista, iyo Jeermis dilista
 - d. Jeermisyada Dhiiga Raaca
 - e. Tallaalada
 - f. Baaritaannada Caafimaadka ee Maalin kasta
- E. Warbixinta Waajibka ah iyo Si xun ula dhaqmida Ilmaha
 - a. Waa maxay Xadgudub iyo Dayacaad?
 - b. Soo sheegista Waajibka ah
 - c. Kahortaga Xadgudubka
- F. Gabo-gabada iyo Dib u Milicsiga

Ilaha Muhiimka ah

Labadaan khayraad ayaa aasaas u ah qaybo badan oo kamid ah casharkaan:

1. Xeerka 2 iyo Qawaaniinta MN ee Bixiyaasha Daryeelka Carruurta ee Qoyska: [CUTUBKA 9502, RUQSAD-SIINTA XARUMAHA DARYEELKA EE MAALINTI AH](#)
2. Caring for Our Children: Xarunta Kheyraadka Qaranka ee Caafimaadka iyo Badqabka ee Daryeelka Carruurta iyo Waxbarashada Dhallaanka, Daabacaada 4^{aad} <https://nrckids.org/CFOC>

Dib u Milicsiga iyo Qorsheynta Talaabada

Dhowr daqiiqo ku bixi inaad ku muujiso waxa aad kusoo baratay xiisada casharkaan. Isticmaal meelaha banaan hoose si aad muujiso aragtidaada iyo qorshe howleedkaaga.

Xiisadaan waxaan ku bartay...

Xiisadaan ayaa i siisay biloow
aan uga fakaro...

Ayadoo lagu saleynaayo waxa aan bartay, qaar kamid ah waxyaabaha
aan qorsheynaayo in aan sameeyo ...